

Sa stòria bera de sa Befana

De meda e meda, in una domigedda in mesu a su sartu, biviat una feminedda bècia chi fut sempri sola e chi non tratat cun nisciunu. Sa porta e is fentanas de domu sua furint sempri serradas, prus che totu in s'ieru, candu niat e tirat bentu.

Una note fritta de gennàrgiu, calincunu iat toccau sa porta de domu sua. Issa si fut assuconada, poita no aspetat a nemus! E chinu podiat essiri? Timis timi iat abertu e si fut agatada de sa nanti tres ominis beni bestius in gropas a tres camellus.

Furint is Tres Urreis! Sa becigedda ddus iat fatus imbucai in domu po si caentai e po ddus cumbidai. Issus dd'iant ringratziada e dd'iant narau ca furint andandu a strinai su Pipiu Gesus, su Rei de is Reis, chi fut nasciu po sabai su mundu. Però iant perdiu de vista sa Stella Couda e no isciant prus acantu andai.

Sa feminedda bècia no iat bitu nisciuna stella couda e no isciat nudda de su custu Gesus chi fut nasciu po sarbai su mundu.

Tandu unu de is Tres Urreis dd'iat preguntada chi issa boliat andai cun issus po ddu connosciri e po ddu strinai. Sigomentu fut fritu meda sa becigedda iat nau ca nou. Poi fut dereta de ponniri pani e durcis a cori in su forru e duncas non podiat andai.

In cussu momentu sa stella couda fut torrada a bessiri in celu, inditendu su caminu, duncas is tres cogus iant saludau e iant sighiu su biagiu insoru.

Ma pagu a pustis sa feminedda si fut pentia de no airi acetau sa proposta de is Tres Urreis. Tandue, candu is durcis furint brontus, nce ddus iat postus totus a intru de unu sacu e fut essia a ddus circai. Su sacu però fut grai meda, duncas dd'iat acapiau a su manigu de sa scova e su dd'iat carriau a pala.

Is Tres Urreis però nci furint giai sciaddius e non fut arrenescia a ddus sighiri. Però iat toccau sa porta de totu is domus chi agatat in caminu, lassandu una giuntigedda de durcis po ogna pipiu, cun sa spera chi unu de cussus essirit Gesus.

Custa femina su naràt Befana, e de tandu, d-ònnia annau, sa notí de s'Epifania, essít a círcai a Gesùs e sí firmat in ogna domu acantu dduí tenít unu pípiu po ddi lassái un'arregalu.